

niemahlen gegeben/ Endlichen aber/ vnd als ich verspürte/ daß mein/ bey
der gedruckten Architectura Priuata, gegen allen vier Partibus Mundi
frey ligendes Wohnhäußlin gute gelegenheit gehabt/ vnderschiedliche
Sonnenöhren daran zuzeichnen/ Als habe ich drey/ die eine gegen Mittag/
die ander gegen auffgang/ vnd die dritte gegen Nidergang sehende/ Sono
nenöhren / Eben mit diser Cuba gar ringsfertig an die Wäuren (. ohne
zuuor wissende einige schröge der Wand.) hinan gezeichnet/ welche dann
ohne Ruhm zumelden / sich im werck selbst gutter massen derffen sehen
lassen/ das hat nun andern Liebhabern diser dingen anlaitung gegeben /
mich zubesprechen/ ihnen hieruon Bericht zuertheilen / aber jedem beson
der mit außführlichem schreiben vnd abrissen zuwillfahren/ mir die zeit er
manglen wurde/ derowegen so habe ich mich resoluirt, durch dise occa
sion, zugleich auch allgemeinem wesen zum besten / den eigentlichen ver
lauff/ recht vertrewlich an des Tages Liecht kommen zulassen. Wir wöl
len demnach die nur vergebliche Worte beyseits sehen / vnd vil mehr zum
zweckh selber schreiten. Nun hat der Liebhaber erslich zu wissen/ daß wann
er einmal ein dergleichen Cubam befombt / daß er / vnd seine Nachköm
linge zu allen zeiten/ sonderbare recreation hierbey zugewarten/ derowe
gen es der mühe gar wol werth ist / allen möglichsten fleiß / in außfertu
gung derselben anzuwenden/ das allermeiste aber ist einig vnd allein an
deme gelegen/ daß man ein sehr fleißigen Dreher (. wiewolen mancher
in diser sachen noch ohnerfahrner / sprechen möchte / solte es dann ein so
grosse Kunst seyn/ ein gerechte halbe Zirckelrundung auß einem stück Holz
her auß zudrehen / Ja freylich / so ist es ein sehr grosses vffmercken / die
Hand/ so wol das dreh Eisen also just vnd stet zuhalten / daß es nit zu tieff
einbeisse/ noch vil weniger vber den gebürnden halben Zirckelriß hinaus
lauffe/ sonder daß hernach im probieren des Zirckels Endlich die Kreisklini
samt allen Hauptpuncten / wie ein Haar / auff ein Haar / obeinander
reißend/ correspondieren/ dann solte es nur in disem fehlen / so wäre her
nach alle mühe vnd Arbeit vmbsonst vnd verloren/ dannenhero der Dreher

E

in di